

衢州文獻集成

〔子部〕

第

109

冊

衢州文獻集成

黃靈庚

諸葛慧艷

主編

〔子部〕

第

109

冊

國家圖書館出版社

第一〇九冊目錄

鍼灸大成十卷(卷七至十)

(明)楊繼洲 撰
明萬曆二十九年(1601)刻本

.....
一

鍼灸大成十卷(卷七至十)

明萬曆二十九年(1601)刻本

鍼灸大成卷之七

仰人伏人經穴圖

心包絡圖

手厥陰經穴主治

三焦腑圖

手少陽經穴主治

膽腑圖

足少陽經穴主治

肝臟圖

足厥陰經穴主治

任脉圖經穴主治

督脉圖經穴主治

奇經八脉

十五絡脉

十二經筋


五臟募穴

五俞八會

治病要穴

經外奇穴

一穴數名



十四經脉長短尺寸

手之六陽經脉。從手至頭。長五尺。共計五六合三丈。

手之六陰經脉。從臂走手。長三尺五寸。共計三六一丈八尺。五六合三尺。合二丈一尺。


足之六陽經脉。從頭走至足。長八尺。共計六八四丈八尺。足之六陰經脉。從足走入腹中。長六尺五寸。共計六六三十六。五六當三尺。合三丈九尺。

督脉。任脉。各長四尺五寸。共合九尺。

兩蹻脉。從足至目。各長七尺五寸。共合一丈五尺。

十四脉部。合一十六丈二尺。此氣之大經隧也。

心包絡圖



滑氏曰。手厥陰心主。又曰。心包絡。何也。曰。君火以名。相火以位。手厥陰代君火行事。以用而言。故曰。手心主。以經而言。曰。心包絡。一經而二名。實相火也。

手厥陰心包絡經穴歌

九穴心包手厥陰。天池天泉曲澤深。郄門間使內關對。大

陵勞宮中衝侵。左右一十八穴。

○此一經起於天池。終於中衝。取中衝。勞宮。大陵。間使。曲澤。與井。榮。俞。經。合也。脉起胸中。出屬心包。下膈。歷絡三焦。其支者。循胸出脇。下腋三寸。上抵腋下。下循臍內。行太陰少陰之間。入肘中。下臂行兩筋之間。入掌中。循中指。出其

端其支別者。從掌中循小指次指出其端。多血少氣。戌時氣血注此。受足少陰之交。其系與三焦之系連屬。故指相火之臟。實廼最心之膜。此實安身立命之地。尤宜詳察。默會其真。其調劑也。莫執一方。其鍼灸也。必循其道。違者慎焉。幾於神矣。

考正穴法

天池一名大會。○腋下三寸。乳後一寸。着脇直腋。腋肋間。手足厥陰少陽之會。銅人灸三壯。鍼二分。甲乙鍼七分。主胸中有聲。胸膈煩滿。熱病汗不出。頭痛。四肢不舉。腋下腫。上氣寒熱。痰癰。臂痛。目眈眈不明。

天泉

一名天淵

○曲腋下二寸。舉臂取之。銅人鍼六分。灸三壯。

主目眵眵不明。惡風寒。心病。胸脇支滿。欬逆。膺背脾間臂內廉痛。

曲澤○肘內廉陷中。大筋內側橫紋中。動脈是。心包絡脉

所入。為合。水銅人灸三壯。鍼三分。留七呼。主心痛。善驚。身熱。煩渴。口乾。逆氣。嘔涎血。心下澹澹。身熱風疹。臂肘手腕不時動搖。頭清汗出。不過肩。傷寒逆氣嘔吐。

郄門○掌後去腕五寸。手厥陰心包絡脉郄。銅人鍼三分。

灸五壯。主嘔血。衄血。心痛。嘔噦。驚恐。畏人。神氣不足。

間使○掌後三寸。兩筋間陷中。心包絡脉所行為經。金素

註鍼六分。留七呼。銅人鍼三分。灸五壯。明堂灸七壯。甲乙灸三壯。主傷寒結胸。心懸如饑。卒狂。胸中澹澹。惡風。寒。嘔沫。怵惕。寒中。少氣。掌中熱。腋腫。肘攣。卒心痛。多驚。中風氣塞。涎上。昏危。瘖不得語。咽中如梗。鬼邪。霍亂。乾嘔。婦人月水不調。血結成塊。小兒客忤。

內關○掌後去腕二寸。兩筋間。與外關相抵。手心主之絡。別走少陽。銅人鍼五分。灸三壯。主手中風熱。失志心痛。目赤。支滿。肘攣。實則心暴痛。瀉之。虛則頭強。補之。

大陵○掌後骨下。兩筋間陷中。手厥陰心包絡脈所注。為俞土。心包絡實瀉之。銅人鍼五分。素註鍼六分。留七呼。

灸三壯。主熱病汗不出。手心熱。肘臂攣痛。脹腫。善笑不
休。煩心。心懸若飢。心痛掌熱。言悲泣。恐。目赤。目黃。小
便如血。嘔死無度。狂言不樂。喉痺。口乾。身熱。頭痛。短氣。
胸脇痛。癰瘡疥癬。

勞宮

一名五里
一名掌中

○掌中央動脈。銅人屈無名指取之。資生

屈中指取之。滑氏云。以今觀之。屈中指無名指兩者之
間取之為久。心包絡脈所溜為榮。火素註鍼三分。留六
呼。銅人灸三壯。明堂鍼二分。得氣即瀉。只一度鍼過兩
度。令人虛。禁灸。灸令人息。肉日加。主中風。善怒。悲笑不
休。手痺。熱病數日汗不出。怵惕。脇痛不可轉側。大小便

血衄血不止。氣逆嘔噦。煩渴。食飲不下。大小人口中腥臭。口瘡。胸脇支滿。黃疸目黃。小兒眼爛。

中衝○手中指端去爪甲如韭葉陷中。心包絡脉所出。為井木。心包絡虛補之。銅人鍼一分。留三呼。明堂灸一壯。主熱病煩悶。汗不出。掌中熱。身如火。心痛煩滿。舌強。

三焦腑圖



內經曰。三焦者。決瀆之官。水道出焉。

又云上焦如霧。中焦如漚。下焦如瀼。人心湛寂。欲想不興。則精氣散在三焦。榮華百脉。及其想念一起。慾火熾然。翕撮三焦精氣流溢。並於命門輸瀉而去。故號此府為三焦。手少陽三焦經穴歌

二十三穴手少陽。關衝液門中渚。五陽池外關。支溝正會。宗三陽。四瀆長。天井清冷淵。消灤。噤。肩髃。天膠堂。天牖。翳風。瘰脉青。顙息角。孫絲竹。張。小。髎。耳門聽有常。左右四十六穴。○此一經起於關衝。終於耳門。取關衝液門中渚。陽池支溝。天井與并榮。俞原經合也。脉起手小指次指之端。上出